



شنهو آخر هالمشاعر؟!



شنهو آخر هالمشاعر؟!

فـ النهاية..

كل واحد فينا بيروح بطريق

ويبدأ ليل وماله آخر

بينكسر فيك النهار

ويندبح في قلبي.. شاعر

فـ النهاية..

بفتـح عيونـي في يوم..

وما القا بغيوني.. عيونك

لا حنينك..

لادفا ابيدك.. ولا..

وجهك..

ولا حتى بيبقي فيني.. شي منك

إلا ذكرى..

تشعل الثلج وتكابر

ماقيه شي بيبقي فينا من

هوانا..

لاز علنا

لاعتبنا

لاسهونا

لا فرحنا..

لا.. ولا ورد الجروح

كله باعمرى بيروح

كنه ماكان عمره حاضر!

شنهو آخر هالمشاعر؟!

شنهو آخر فرحتي..

شنهو آخر دمعك..

شنهو آخر شوقي لك..

شنهو آخر لهفتك..

شنهو آخر القصيد..

اللي في صدر الدفاتر؟!

أنا أدري..

إنك أجمل من فتني

وانك أغلى.. حب سكتي

إنتي خليتي غصوني الصفرا..

تشرب..

من حلى ماك.. وتغني

وأنا أدري..

إنك انتي.. شي مني..

شي يسوى الروح.. طاهر

بس قولي..

شنهو آخر هالمشاعر؟!

لا أمل عايش معانا..

لا رجاوي..

لا صبر.. والياس صابر!

أنا وانتي نجمتين

مهما تجمعا سما..

وليل ساهر

لكن الصبح بيحي..

وبيفرقنا أكيد

ويمحي اللي كان ظاهر!

أنا وانتي وردتين..

لو تسامتا.. عطر..

لكن المجد للخناجر!

أنا وانتي موجتين

ضد تيار القبيله

ضد ابو جهل وفريش

ضد دمعه فـ المهاجر

أنا وانتي.. شراع سفينه

والرياح.. تنهى وتامر

أنا وانتي..

نؤمن إن الحب صلاه

في زمن بالحب.. كافر

أنا وانتي..

ندري لازم نفترق

كان ميو اليوم.. باكر

حفا ندري..

بتنجرح فينا الخواطر

وفـ النهاية..

بينكسر فيك النهار..

ويندبح في قلبي.. شاعر

مسافر الدوسري

صورة وتحليق

لازالـت الرحلة كـذا مستمرة

تـمـركـنـه يـا فـهـد عـابـر الحـطـيف

تـمـر و فـلـر و فـلـر و فـلـر مـن مـسـتـقـرة.

الامس نفس اليوم لاتقولـي كيف

محمد الخشيبان



عطني وعد

خذني معاك وارحل

إرحل بعيد

لحظة هواك أجمل

واخلي قصيد

أه يا وعد ..

... صحبة أنا وياك روح في جسد

كل ما اقرب تتبعد

وانت ولا همك ابد

عطني وعد واخلف حبيبي لا تجي

لو بالوهم احلف لاضحك من تجي

خذني معاك وارحل بعيد ...

واعدتني وأنا محطات العمر تنظر مشاويرك

ما همها طول انتقار

انت البعيد انت .

. وانت القريب انت

كيف التليك وانت ليلك نهار .

. شمسك ظلام وأشواقي نار

عطني وعد واخلف حبيبي لا تجي

لو بالوهم احلف لاضحك من تجي

خذني معاك وارحل بعيد

روحي أنا طافت مسافات الصبر

تعبت تنادي لك يالله تعال ..

يالله تعال

وعد السحاب مطره .

وعد الربيع خضره وعد

الحبيب عشره

ليلك نهار .. شمسك ظلام وأشواقي نار

عطني وعد واخلف حبيبي لا تجي

لو بالوهم احلف لاضحك من تجي

خذني معاك وارحل بعيد

علي الشرقاوي

